



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3403



2190

ՀԱՄԵՌՈՑ

ԿԵՆՍԱԳՐՈՒԹԻՒՆ

ԵՐԿՈՒՑ ԲԱՐԵՐԱՐԱՑ ԶՈՒՂԱՅՈՒ

ՏԷԼԻ Մարտին Ե. Երրո-Քիսեան

ԼԻ

Պարն Մանուկայ Երրո-Քիսեան

ԱՇԽԱՏԱՄԻՐԵԱՑ

Գաղղղ Տէր Գ. Գաղղղեան



Ի ԶՈՒՂԸ

Ի ՏՊԱՐԱՆԻ ԱՄԵՆՈՓՐԿՉԵԱՆ
ՍՈՒՐԲ ՎԱՆԱՑ

1883

12
1
88



ՀԵՄԵՌՈՏ

ԿԵՆՍԱԳՐՈՒԹԻՒՆ

ԵՐԵՎԱՆԻ ԲԱՐԵՐԱՐԱՑ ԶՈՒՂԱՅՈՒ

ՏԵԿՆԻ ՄՈՒՆԻՍՏԵՐՆԵՐԻ Յ. ՅՈՐԴՆԻՆԵԱՆ

ԵՐ

ՊՐԻՆՏԻՆԻՆԻՆԻՆԵՐԻ Յ. ՅՈՐԴՆԻՆԵԱՆ

3403

ԱՇԽԱՏԱՍԻՐԵԱՑ

ԳՐԱԳՐՈՒՄ ՏԵՐ Գ. ԳՐԱԳՐԵԱՆ



Ի ՊՐԻՆՏԻՆԻՆԻՆԻՆԵՐԻ

Ի ՏՊԱՐԱՆԻ ԱՄԵՆԱՓՐԿՁԵԱՆ ՍՈՒՐԲ
ՎԱՆԱՑ

1883

Ի ՀԱՅՐԱԳԵՏՈՒԹԵԱՆ

Տ. Տ. ԳՂՆՈՐԳՒԼՅ Գ. ՀԱՆԳՈՒՑԵԱԼ

ՍՐԲԱԶՆԱԳՈՅՆ ԿԱԹՈՒՂԻԿՈՍԻ ԱՄԵ.

ՆԱՅՆ ՀԱՅՈՑ



ՀՐԱՄԱՆԱԻ

Բ. ՍՐԲԱԶԱՆ Տ. ԳՐԻԳՈՐԻՍ

ԱՐՔԵՊԻՍԿՈՊՈՍ ԲԱՐԵՆՆԱՄ ԱՌԱԶ

ՆՈՐԴԻ ԱՄԵՆԱՓՐԿՁԵԱՆ ՍՐԲՈՅ ՎԱՆԱՑ

ԱԶ Դ

Հոգաբարձո-Յեան Տղարանի Անկախիչեան
որէոյ վանացո զերկոսն կենսագրութեան օրան-
լով 'ե Բլատոյ աշխատանքեալ յառա-ճատեր
Հեղինակէն' որք էն Բարերարացն նոր Զոչա-
ոս, ե Տնտեսայ լինելով Տնն այսինչն Բարե-
յեղաբանի Հանգուցեալ Պարոն Մանուկ Որդանանեան
Հոյրենասեր անչն՝ յաբանի երախտաւոր Տղարանի
գնելովն ե առաջելովն զՏղագրան Տաճարն ե
չորսան ասկայն սորովչն՝ ըստ հրահանի նորին
Բ. Սրբապետ-Բեան Տեսան Գրեգորին Արքեպիս-
կոսոյ Առաջնորդի որէոյ վանացո առաջնի կո-
մանար ի հաճութեամբ 'ե լոյս ընծայեցոտ զայն 'ե
Տղարանն :

Կենսագրութեան Տեղին Մարտիան Յանսէ Յար-
րութեան և Օրերը Թագահոյ Մանուկեան
Երկոյ երջանիչ յեշտոյն հարազատ Կերջ :



Այդտիկն 'ի սկզբան ութ և տասներորդ
դարուն 'ի գաղթել Հայոց 'ի կղզին Զաւա՝
պարապէր անդ խողաղաւէտ 'ի պաճա-
րանս տուր և առիկ շահալաճառութեան
աղա Գէորդ Մանուկ Մանիչարեանց, նոյն-
պէս և եղբայր նորա Մէլքում Մանուկեան
նշանաւոր և մեծապատիւ հանդիսանայր
'ի բենգալ :

Այլ Գէորդ Մանուկ Մանիչարեանց ըստ
յաջող հանգամանաց ժամանակին կուտեաց
ճոխութիւնս իշխանականս, և եղև ականա-
ւոր ոք և մեծարոյ յաչս Հոլանդական պե-
տութեան : Սոցա էին քորք երկու Մա-
րիամ և Թադուհի որք բնակէին 'ի նոր
Ջուղա յԱպահան 'ի Պարսս, սերունդք
աղքատ բայց պատուելի ծնողաց, և ըստ
որում որբացեալ էին 'ի մանկութենէ, և
չունէին խնամակալ զորք անդ, ուստի եղ-
բայր նոցա Գէորդ Մանուկեան 'ի 1795 ամի
Եբեր զնոսա արտաքս անտի 'ի Հնդկիս և

քնակեցոյց զնոսա առ ժամանակ մի 'ի Մազրաս : Ի մեկնել նոցա 'ի հայրենի տանէն, Մարիամ էր 'ի հասակի 14 ամաց, և Թագուհի 'ի 10 ամաց հասակի : Զկնի քանի մի ամաց ամուսնացաւ Մարիամ ընդ արգոյ Յակոբայ Յարութիւնեան, որ և յետոյ առեալ զամուսին իւր զՄարիամ ընդ քեռնորա Թագուհւոյ եկն 'ի Զաւա առ Ալա Գէորգ Մանուկեան :

Սա յայնժամ առաւել մեծապատիւ հանդիսանայր անդ վաճառաշահութեամբ, ազգասիրութեամբ, և առատաձեռնութեամբ 'ի բազում կարեոր դէպս, օժանդակիչ հանդիսանայր աղբային Հաստատութեանց, յառաջացուցիչ բազմաթիւ առանձնաւորաց, ձեռնտու գրամական փոխատուութեամբ Հոլանդական Պիտուութեան, և 'ի յաղթական պսակ իւրոց բարեմասնութեանց մտադիր էր բանալ զաղբային Համալսարան 'ի Ղընտոն, բայց կանխասհաս մահն 'ի դերեւ հանեալ զվսեմական խորհրդոցն նորին կատարումն, կարճեաց 'ի կենաց զազգասէրն Գէորգ 'ի 1827 ամի :

Մեծափարթամ մասին ճոխութեանց իւրոց եթող նա ժառանգ զհարազատ քորս իւր համեափայլ Տիկին Մարիամ և շնո-

հազարդ Օրիորդ Թագուհի : Սովին ժառանգութեամբ ամուսն երկօքին մեծամեծս գործեցին : Սոքա թէ գործուիք թէ բանիւք և թէ արդեամբք պարծանք են համօրէն Հնդկաբնակ աղբայնոց, քան զորս մեծագոյն ըստ ազգասիրութեան և ըստ պէսպէս բարեմասնութեանց պերճ հանդիսից թերևս ոչ ոք եկաց 'ի կղզին Զաւա 'ի Հնդկիս : Ի դարման կրօնից և ուսմանց և կարեաց քաղցր էր նոցա յաճախ բաշխել անխտիր արքայօրէն գանձ առատաձիր : Կարեկցութիւն նոցա : Գութ և խնամցուցեալ առ կարօտաւորս, առ տնանկս և առ պանդուխտս անցանէր զանցանէր քան ըզչափս, տուն նոցա ապաւէն աղքատաց և որբարան աղքատութեան : Հայրենասիրութիւն նոցա : Զհայրենասիրութեան նոցա մարթիմաստանօր յայտածել զառաւելութիւն, այլ զչափ նորա հչ բնաւ : Թէպէտ և յանտիական հասակի լքեալ էին զտեղի ծննդեան իւրեանց, այլ այնպէս զօրաւոր և ջերմ էին զգացմունք նոցա առ նոյն տեղի, զի երբէք երբէք 'ի լսել նոցա զթշուառ վիճակէ համազգեաց իւրեանց անդ, շիթս արտասուաց յորդաբուխս հեղուին յաչաց : Բազումք յեկեղեցեաց նոր Զուղայու առա-

տաճիր նպաստիւք սոցա զնախկին իւրեանց զվայելութիւն զգեցան և շուք, նշանաւորն 'ի հրաշակիրտս նոցա եղև կառուցումն կրկին ազգային ուսումնարանաց, մին՝ 'ի նոր Զուղա, և միւսն 'ի Ջաւա, մին՝ 'ի մշտայուշ յիշատակ հայրենասիրութեան և միւսն 'ի յարատևութիւն հայկական բարբառոյն 'ի գաղութս աստ 'ի Ջաւա : Դպրոցն որ 'ի Ջաւա կառուցաւ 'ի նոցանէ 'ի 1855 ամի, հաստատուն արդիւնք որոյ ելանեն 'ի չորեքին անշարժ կալուածոց գնեւոց 'ի նոցանէ յանուն նոյն դպրոցին :

Յաջախ յարտասուս փղձկէին 'ի լսելն թէ տունն՝ քաղցր բնակարանն, յորում սնեալ և զարգացեալ էին ինքեանք 'ի տիս մանկութեան, անկեալ էր 'ի ձեռս մահմետականաց : Ցաւ մեծ էր նոցա ընդ այս, ոյր վասն երկիցս առաքեցին դրամ 'ի նոր Զուղա 'ի գնել զայն տուն և ընծայել 'ի պարզ և եկեղեցւոյ թաղին :

Հոգեւելոյս թագդէոս բազմարդիւն Եպիսկոպոսն որ 'ի հեռուստ անտի նշմարէր հոգւոյ աչօք զնոցին գովանի առատաձեռնութեան շնորհ, և ազգասիրութեան պերճ և սխրալի հանդէս, 'ի տեսանին զպատկեր Մարիամն Տիկնօջ, յուրախութենէ սրտին

գոչեաց ասելով « ուստի է ինձ այս, զի մայր տեառն իմոյ եկեսցէ առիս », :

Ուսումնասիրութիւն նոցա : Ըստ չափու կրթութեան իւրեանց դրուատից է արժանաւոր, զի թէ և չէին կրթեալ 'ի բարձրագոյն հրահանգս ուսմանց, այլ ջանիւք և եթ իւրեանց գիտէին զպարզ ընթերցումն սուրբ գրոց և զնոցին բացատրութիւն : Բաժանորդք լինէին պէսպէս ազգային լրագրոց ոչ թէ այնչափ քաղաքականութեանց աշխարհաց և հանգամանաց նոցին և պէսպէս լրոց լեցին տեղեակք, որչափ յաւէտ քաջալերս տալոյ տպագրողաց և օրինակ բարի այլոց համազգեաց : Բազմաց մատենից 'ի լոյս եկեւոց 'ի կողմանս շնդկաստանի, նոր Մեկենաս հանդիսացեալ առատաճիր նպաստիւք 'ի հրատարակումն փութացուցին :

Արծնասիրութիւն նոցա : Բարեպաշտօն վարէին կենցաղ : Սիրելի էր նոցա յամենայն կիւրակէի հանդիսակից գոլ պաշտամանց սուրբ եկեղեցւոյն և զայլս յորդորել կանխել 'ի նոյն : Զծէս և զկանոնս Հայաստանեայց սուրբ եկեղեցւոյ պատուէին յօժարակամ և սրտի մտօք, և թէ որքան բարեպաշտական հոգւով և երկիւղածու-

Թեամբ սրբոյ Աւետարանական խրատուց լինէին ունկնդիրք և կատարիչք, յանհնարիցն է ինձ 'ի բան բերել : Եկեղեցին Հայոց 'ի Բատաւիա կառուցաւ 'ի 1854 ամի յանուն սուրբ Յովհաննու՝ ձեռնտուութեամբ երկուց արժանապատիւ հարազատ քերցն . որք և յետոյ ընծայեցին նմա 'ի պարգև զհոյակապ տուն իւրեանց , որոյ արդեամբք վճարին ամենայն ծախք եկեղեցւոյն :

Հուսկ ուրեմն երջանիկ յիշատակի հարազատ երկօքին քորքն մասնաւորապէս արժանանան խորին երախտագիտութեան համայն ջաւաքնակ ազգայնոց 'ի մասին բազմապիսի օժանդակութեանց իւրեանց 'ի յուրով կարևոր ազգային դէպոս :

Ի հաստատել 'ի ձեռն ազգասիրական հանգանակութեան հայոց 'ի ջաւա «զայկեան Միաբանութեան», մեծագումար և առատաձիր հանգանակողք եղեն 'ի նմին քորքն երկօքին , տեսանելով զի նպատակ միարանութեան էր 'ի խնամել զհայ կարօտաւորս 'ի ջաւա , և զչքաւորս և զորք հայ մանկունս ձգել արդեամբք նորին 'ի վարժոց : Նոյնպէս և առատ հանգանակողք եղեն Սնդկի աղքատաց նոր ջուղայու հաստատեալ 'ի 1858 ամի :

Թագուհի Մանուկեան շնորհազօրք Օրիորդն ոչ եմուտ ընդ օրինօք ամուսնական կենաց , այլ զկուսութեան իւրոյ զանթառամ ծաղիկ հանգոյն Աստղիկան ընծայելոյ 'ի գրգարանն եղեմական նուիրեաց երկնից : Վախճանեաց նա զկեանս իւր 'ի 1857 Թուականի 'ի հասակի 72 ամաց :

Իսկ Մարիամ յետ բազմապիսի այլ ևս վեհանձն հանդիսից յազգային իրողութիւնս վախճանի 'ի 1864 ամի 'ի հասակի 83 ամաց , թողլով զիւր մնացեալ գոյս 'ի պարգև ազգային եկեղեցւոյն տեղոյս : Առուցեալ կայ նմա արձան մարմարեայ 'ի հիւսիսային կողման սուրբ Յովհաննու եկեղեցւոյն Բատաւիոյ , որ և վկայ է լռելեան և եթազնուագութեան առատութեան նորա և բարեկրօն լաւութեանց , սակայն անջնջելի կանգնեալ կայ նմա արձան և յիշատակարան 'ի սիրտ և 'ի հոգի համազգեաց մերոց աստ , որք երախտագիտական զգացմամբ 'ի զոհ և 'ի զով շրթունս յաճախ յիշատակեն զանուն նորա և զգործ :

Համար 8 Գեորգի-Քեռ Գործի Մանուկայ Յոր-
դանի տն :



Նորն ջուղա, որ պարծանս խանձա-
րրոց բազում ոչ աննշան Հայրենասիրաց ու-
նի ինքեան պահեալ, ոչ ինչ ընդհատ
պարծի նա և գոլ ծննդավայր և առնս
մեծի հայրենասիրի, Գարոն Մանուկայ Յոր-
դանանեան՝ սերեալ ՚ի Փարսադանեանց ազ-
գատոհմէ : Ծնողք նորա չէին ՚ի յաջող
վիճակի, այլ աղքատիկ վարէին կենցաղ, և
Մանուկ որդի նոցա մինչև յարբունս հասա-
կի եկաց առ նոսա օգնական գորով հօրն
յոստայնանկութեան արհեստին : Յուլթու-
տանամենի ելանէ ՚ի հայրենեաց ՚ի պանդխ-
տութիւն ՚ի կողմանս ջաւայ, ուր երջա-
նիկ յիշատակի Աղա Գեորգ Մ . Մանիչա-
րեանց, մեծանուն վաճառականն ընդունի
զնա ՚ի ներքոյ իւրոյ խնամակալութեան, և
կրթէ զնա անոյիջապէս ՚ի տուր և առս :
Զկնի հինգ ամաց հմտացեալ նորա պէսպէս
պարագայից վաճառաշահութեան, խնդ-
րանօք թոյլտուութիւն ալերսէ ՚ի բազմե-
րախտ խնամակալուէ իւրմէ զբաղել յա-

812

ռանձին տուր և առս, որ և շնորհի նմին :
Ուստի ՚ի 1824 ամի ելանէ ՚ի Սուրբայիա
քաղաք ուր զկնի յորովից բազմավիշտ ա-
մաց, իւրով արդար քրտնահոս վաստակօք
՚ի ձեռս բերէ բաւական շոխութիւնս : Գնէ
՚ի 1835 ամի զգործատուն շաքարանոցի միոյ,
որ ՚ի սկզբան բերէր բաւական արբիւնս :
Ի 1841 ամի հիւանդացեալ նորա, պարտա-
ւորի ելանել յուղևուրութիւն յԵւրոպէ
խորհրդեամբ բժշկաց : Անդանօր շրջազայ-
եալ նորա հանդիպի տեսութեան բազմե-
րախտ Հարց Մխիթարեան ուխտի ՚ի վնե-
տիկ, ցուցանէ անդ զեռանդ և իղձ ու-
սումնասիրութեան, և կրթի ըստ կարևո-
րին առ ոտս գիտնական Հ . Ղևոնդ Ալի-
շան վարդապետի : Ուղևորեալ նորա ապա
յայլ հռչակաւոր քաղաքս Եւրոպայ, վե-
րադառնայ ՚ի Ջաւա զկնի տասն ամաց բա-
ցակայութեան, և ժամանակ մի մնացեալ
՚ի Սուրբայիա, գայ և կալու զբնակու-
թիւն իւր ՚ի Բատաւիա : Ո՛չ էմուտ ընդ
օրինօք ամուսնական կենաց : Եւ ՚ի հասակի
ալեզարդ ծերութեանն՝ ընտրեալ նորա
զսակաւապէտ անպաճոյճ կեանս, առանձ-
նացաւ պարապեալ աղօթից, ուսմանց և
Աստուածահաճոյ զնացից :

Հոգեւոյս Արհն Թաղգէոս Արք Եպիսկոպոս զգացեալ զանհրաժեշտ կարեւորութիւն վարժոցի միոյ 'ի պէտս հայ Օրիորդաց Զուղայու, փութաց յուշածել զայն կարեւոր պարագայ Հայրենասիրի առնս, որ և անմիջապէս կամակատար լեալ Սրբազան Հովուապետին՝ բարեհաճեցաւ վիճ ազգասիրութեամբ հաստատել 'ի Զուղա դպրոց մի վասն կրթութեան հայ Օրիորդաց տեղւոյն: Բարենախանձ հոգւով զգացեալ նորա յընթացս ուղեորութեան իւրում յԵւրոպէ, թէ մի 'ի գլխաւոր պատճառաց յառաջադիմութեան ազանց յասպարիզի ուսումնասիրութեան համարի գոլ անշուշտ Տպարանն. ծախեաց բաւական գումար և գնեաց զսար մի Տպարանի և առաքեաց 'ի Զուղա՝ յԱմենափրկչեան վանս, ուր թէ և երկար միջոց ապարդիւն մնաց այն և անգործ, բայց սիրելի է ինձ յիշատակել աստանօր զի 'ի ժամանել արգեան Առաջնորդին Գեր. Գրիգորիս Արքեպիսկոպոսի 'ի Զուղա, մի 'ի նշանաւոր գործոց նորա եղև արդիւնաւոր առնել զայն Տպարան, ուստի և առ կենդանութեամբ իւրով Պարոն Մանուկն ըստ ըղձից իւրոց՝ արժանացաւ ականատես գոլ առա-

ջին խայրեաց և արգասեաց իւրոյ Տպարանին հրատարակութեամբ քանի մի դպրոցական մատենից 'ի պէտս մանկանց ազգիս:

Գլխաւոր առարկայ խօսակցութեան նորա և տածուն զաղափար էր նորա միշտ իղձ տեսանելոյ զյառաջադիմութիւն ազգային վարժարանաց, բարգաւաճութիւն կրօնի և ազգութեան, հայրենասիրական բարեմիտ յորդորք, և առաքինազարդ վարուց նախանձախնդրութիւն:

Ի սփիւռս Հնդկաստանի սա և եթ էր մնացեալ 'ի հին աւուրց արանց բարեպաշտից, որ յօժարակամ մեծարէր զՃէս և ըրկանոնս Հայաստանեաց Եկեղեցւոյ: Սիրելի էր նմա միշտ հանդիսակից գոլ պաշտամանց սուրբ եկեղեցւոյն, բայց ծերութիւն նորա խոչ և խութ լինէր յաճախ, որով պարտաւորէր երկիցս յամոջ զնալ յեկեղեցի, և այն թէ քանի բարեպաշտական հոգւով և երկիւղածութեամբ, յանհարկցն է ինձ 'ի բան բերել: Թէ գործովք և թէ արգեամբք 'ի կատար հասոյց նա զպարտ իւր 'ի կենցաղումս, այժ փորձեաց զնա աշխարհ 'ի վերջին աւուրս իւր գառն արկածեօք, այլ նա գիտաց համբերատար հոգւով տանել ամենայնի: Անտրտունջ, և գոհ և բա-

ւարար կնքեաց զմահականացու կեանս իւր
'ի 24 երորդու՛մ Փետրուար ամսոջ 'ի 1879
ամի 'ի հասակի 79 ամաց :

Զկնի մահուան նորա կտակ նորա աւե-
տեաց ազգին ուրախ իմն լուր, այն է ա-
ւանդումն կէս գոյից իւրոց 'ի կառուցումն
հոգեորական դպրոցի միոյ 'ի Զուղա, և
միւս կէսն 'ի պէտս Օրիորդաց դպրոցին :
Այս և եթ մնայ ինձ 'ի նկատի առնուլ,
զի 'ի տրիտուր գովանի վաստակոցն՝ ան-
թառամ պսակաց յաւիտենականին եղև նա
ակնկալու, և շնորհաց այնմ անսպառ ա-
պէնիազ զանձուց աղբերն, որ դէտակն կա-
լեալ ականատես եղև նորին ազգասիրական,
հայրենասիրական, բարեպաշտական և ազ-
գի ազգի պերճ բարեմասնութեանց հան-
գիսից :

Թող ուրեմն յիշատակ հայրենասիրի առն
անմոռանալի մնացէ և անջնջելի 'ի սիրտ
մերոց համազգեաց, մանաւանդ նոցա՝ որ
դաստիարակին 'ի կառուցեալ վարժարանի
նորա :

Ի Մ Ա Հ
Աստուծո՛րբ և Աշտուրբ Պարոն Մահաւհայ
Յորբանեան

ԵՂԵՐԳ

Ո՛վ որ ցանդ բարւոյն 'ի գիւտ եռան-
դեամբ միշտ յաճեցար,
Կաթոզին՝ նպատակ վեհ փառս հայ-
րենեաց անձին կալար,
Խանդ 'ի սիրտ յեռանդն հոգի յարդիւնս
աճեր զհրաշալիս,
Վկայ Դպրոցն Օրիորդաց 'ի հոյլ ար-
դեանց բազմազգիս :
Հանգիր՝ արդ, վեհաղն հոգի, հանգիր՝
'ի սէրդ սիրեցելոյ,
Զերծ միանգամ 'ի վշտաց և արկածիցս
կենցաղոյ,
Թողի յերկինս, յաւերժածին երանու-
թեանցն կայեան,
Ուր 'ի տրիտուր պատրաստին քեզ բո-
լորք վարդից անթառամ :
Բայց զինչ այս հսչիւն ողբոց, որ տակաւ
գայ յունկն իմ ազգի,

Աւասիկ սաւառնի գայ համակ 'ի Թուխս
Հայկազն հոգի ,

Եղբրերդէ հանուրց 'ի լուր և զՄանուկ
Որդանան ,

Ջայրն վեհ բարեպաշտիկ Հայկեան պար-
ժանք 'ի Հնդկաստան :

Ո՛հ մեռաւ , գուժէ , միւս այլ փառաց
ազգի յուսոյ նշխար ,

Բարձաւ 'ի ձէնջ մեկնեցաւ , լեք զհե-
ժուԹեանց զայս աշխարհ ,

Աւա՛ղ մեռաւ բարեգուԹն , 'ի սուգ այ-
րեաց և տնանկին ,

Նա զնոցին սրբէր զարտօսր , հայր էր
որբոց և հիֆին :

Ո՛հ մեռաւ հայրենասէրն , քաջ խրախոյսն
հայրենեաց ,

Ձեռնտուն և խնամող վարժելոց և վար-
ժարանաց ,

Ո՛ քանի քաղցր էր նմին տալ քաջալեր
յուսաբեկից ,

Հեշտախօս յորդորս բարեաց , հվ Թէ
քանի և սիրալից :

Ո՛հ առ հւճկարկառիցին այսուհետև ձեռք
ապիկար ,

Ձի բարձաւ սլացաւ 'ի բաց փառք հայ-
րենեաց և սատար ,

Ոչ այնպէս շող արեգին ընդ համագոյս
շողշող ծաւալ ,

Որպէս նորին գուԹ և խնամ՝ զվշտաղ-
գաց սրտիւք սփռեալ :

Սյսպէս ձեռն 'ի ծնօտի ողբայ ոգին Հայ-
աստանեաց ,

Եւ զայստիկ յեղլեղէ զողբս հանուրց 'ի
լուր համազբեաց ,

Ապա յաղատն 'ի Մասիս 'ի վեհավայր սար
ցրտազին ,

Մենացեալնստի լռիկ շրջյաժեալ զաչօ
կրկին :

Իսկ հյք սոքա փայլ 'ի փայլ պարառու-
Թիւնք Օրիորդաց ,

Դպրոցին են նորին սանունք , պար քըն-
քուշ զեղաւորաց ,

Դառնալի քան զամենայն սոքա ջայլից
հարկանեն զողբ ,

Ջհասարակաց լան հօր զմահ , որ լեք
զնոսա կարօտ և զորբ :

Ես զարդիս նաև գիտեմ՝ 'ի դարս ապայօ
խուճք պարմանից ,


Դրուատիս աղգասիրին վեր ընծայեն վեհ
հանդիսից :


Ձնա վեհանձն առաքինի գոչեն յաւէրԹ
վառք 'ի սէր :

Աւանդ տալով միմեանց 'ի պահ զանուն
նորին ազգասէր :
Իցեւ բերկրեալ վեհազն հոգի 'ի յօթեանս
երջանիկ ,
Առ հայրենասէր սրտիս եղերգ բղխեալ
'ի բնէ անկեղծիկ ,
Ասի այն հառաչանաց է այս ուղերձ
մտադիւր ,
Գթոյ նորին և երախտեաց առ իս , խուն
ինչ տրիտուր :

Երեւանի քաղաքի 1879 թ. 11 րոմբ
հիւտաց շէտիւս Ի-ր :







ՄՄ Հայաստանյան գրադարան



MAL004499

